

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Rješenje
po zajedničkoj Prijavi namjere koncentracije privrednog subjekta AMKO KOMERC d.o.o.
Sarajevo i privrednog subjekta VINO ŽUPA a.d. Aleksandrovac i privrednog subjekata
HEPOK d.d. Mostar

Sarajevo
Mart, 2009. godine



Broj: 01-03-26-049-13-II/08
Sarajevo, 16.03.2009. godine

Na osnovu člana 25. stav (1) tačka e) i člana 42. stav (1) tačka d), u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05 i 76/07), rješavajući po zajedničkoj Prijavi namjere koncentracije privrednog subjekta AMKO KOMERC d.o.o. Sarajevo, Kolodvorska 12, Bosna i Hercegovina i privrednog subjekta VINO ŽUPA a.d. Aleksandrovac, Kruševačka br.36, Aleksandrovac, Republika Srbija, zastupanih po advokatu Hasanović Emine, Mula Mustafe Bašeskije 6, 71000 Sarajeva, zaprimljenoj dana 11. novembra 2008. godine pod brojem: 01-03-26-049-II/08, Konkurencijsko vijeće, na 85. (osamdesetpetoj) sjednici održanoj dana 16.03.2009. godine, je donijelo

R J E Š E N J E

1. Ocjenjuje se dopuštenom koncentracija na tržištu proizvodnje i prerade vina, sokova i drugih proizvoda u Bosni i Hercegovini koja nastaje sticanjem kontrole kupovinom većinskog paketa od 67,0% dionica u privrednom subjektu HEPOK d.d. Mostar, Bišće polje bb, Mostar, Bosna i Hercegovina, od privrednog subjekta AMKO KOMERC d.o.o. Sarajevo, Kolodvorska 12, 71000 Sarajevo, Bosna i Hercegovina i privrednog subjekta VINO ŽUPA a.d. Aleksandrovac, Kruševačka br.36, Aleksandrovac, Republika Srbija.
2. Zbog nepodnošenja Prijave namjere koncentracije u zakonom predviđenom roku, izriče se novčana kazna privrednom subjektu AMKO KOMERC d.o.o. Sarajevo, Kolodvorska 12, 71000 Sarajevo, i privrednom subjektu VINO ŽUPA a.d. Aleksandrovac, Kruševačka 36, Aleksandrovac, Republika Srbija, u visini od 110.000,00 KM, koju su dužni platiti u vremenskom roku od 8 dana od dana prijema ovoga Rješenja.
3. Ovo Rješenje o koncentraciji se upisuje u Registar koncentracija
4. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine

O b r a z l o ž e n j e

Konkurencijsko vijeće je zaprimilo, dana 11.11.2008. godine pod brojem: 01-03-26-049-II/08 zajedničku Prijavu namjere koncentracije (dalje u tekstu: Prijava) privrednog subjekta AMKO KOMERC d.o.o. Sarajevo, Kolodvorska 12, 71000 Sarajevo, Bosna i Hercegovina, i privrednog subjekta VINO ŽUPA a.d. Aleksandrovac, Kruševačka 36, Aleksandrovac, Republika Srbija (dalje u tekstu: Podnosioci prijave ili AMKO KOMERC i VINO ŽUPA), podnesenu od ovlaštenog zastupnika advokata Hasanović Emine, Mula Mustafe Bašeskije 6, 71000 Sarajevo (punomoć izdana u Sarajevu dana 01.09.2008. godine), kojom privredni subjekt AMKO KOMERC i privredni subjekt VINO ŽUPA namjeravaju steći kontrolu kupovinom većinskog

paketa od 67,0% dionica privrednog subjekta HEPOK d.d. Mostar, Bišće polje bb, Mostar, Bosna i Hercegovina (dalje u tekstu: HEPOK).

Uvidom u podnesenu Prijavu utvrđeno je da ista nije kompletna, te da je treba dopuniti u smislu člana 30. stav (1) Zakona o konkurenciji (dalje u tekstu: Zakon) i čl. 8., 9. i 10. Odluke o načinu podnošenja prijave i kriterijima za ocjenu koncentracija privrednih subjekata («Službeni glasnik BiH», broj 95/06).

Konkurencijsko vijeće, u smislu člana 31. stav (1) Zakona je zatražilo dopuna Prijave (dana 17.11.2008. godine, akt broj: 01-03-26-049-1-II/08; dana 04.12.2008. godine, akt broj: 01-03-26-049-4-II/08; dana 05.01.2009. godine, akt broj: 01-03-26-049-6-II/08) i na zahtjev Podnosioca prijave odobrilo dodatni rok za dopunu Prijave (dana 02.02.2009. godine, akt broj: 01-03-26-049-9-II/08).

Podnosioci prijave su djelimično dopunili Prijavu sa traženom dokumentacijom (dana 27.11.2008. godine, akt broj: 01-03-26-049-3-II/08; dana 25.12.2008. godine, akt broj: 01-03-26-049-5-II/08), i zatražili dodatni rok za dopunu Prijave, u smislu člana 31. stav (2) Zakona, te nakon toga dopunili Prijavu (dana 27.01.2009. godine, akt broj: 01-03-26-049-8-II/08 i dana 11.02.2009. godine, akt broj: 01-03-26-049-10-II/08).

Po prijemu tražene dokumentacije Konkurencijsko vijeće je utvrdilo da je Prijava kompletna i uredna i izdalo Potvrdu o prijemu kompletne i uredne Prijave, dana 17.02.2009. godine, broj: 01-03-26-049-11-II/08, u skladu sa članom 30. stav (3) Zakona.

Podnosioci prijave, u smislu člana 30. stav (2) Zakona su naveli da nemaju obavezu podnijeti zahtjev za ocjenu koncentracije nekom drugom tijelu ovlaštenom za ocjenu koncentracije izvan teritorije Bosne i Hercegovine.

Prijava namjere koncentracije nije podnesena u roku od 8 dana, u smislu člana 16. stav (1) Zakona s obzirom da je Ugovor o kupoprodaji dionica između Agencije za privatizaciju Federacije Bosne i Hercegovine, kao prodavca i privrednog subjekta AMKO KOMERC i privrednog subjekta VINO ŽUPA, kao kupca, zaključen dana 10.10.2008. godine, a Prijava podnesena 11.11.2008. godine.

Konkurencijsko vijeće u postupku ocjene predmetne koncentracije je utvrdilo sljedeće činjenice:

1. Učesnici koncentracije

Učesnici koncentracije su privredni subjekti AMKO KOMERC d.o.o. Sarajevo, Kolodvorska 12, 71000 Sarajevo, Bosna i Hercegovina, privredni subjekt VINO ŽUPA a.d. Aleksandrovac, Kruševačka 36, Aleksandrovac, Republika Srbija i privredni subjekt HEPOK d.d. Mostar, Bišće polje bb, 88000 Mostar, Bosna i Hercegovina.

a. Privredni subjekt AMKO KOMERC d.o.o. Sarajevo

Privredni subjekt AMKO KOMERC upisan je u registar privrednih subjekata Kantonalnog suda u Sarajevu rješenjem broj UF/I-2505/99 od 26.07.2000. godine, sa osnovnim kapitalom od 155.000,00 KM, u vlasništvu fizičkog lica Aleta Muamera, ul. (...)*¹, 71000 Sarajevo.

¹ (...)* Podaci predstavljaju poslovnu tajnu

Pretežne registrovane djelatnosti privrednog subjekta AMKO KOMERC su vanjska i unutrašnja trgovina, trgovina na veliko i malo, proizvodnja.

Privredni subjekt AMKO KOMERC posjeduje 87,8% vlasništva u osnovnom kapitalu privrednog subjekta Trgovačko društvo za promet roba na malo, veliko i vanjsku trgovinu MARKETI d.d. Sarajevo (dalje u tekstu: MARKETI).

Pretežne registrovane djelatnosti privrednog subjekta MARKETI su vanjska i unutrašnja trgovina, trgovina na veliko i malo.

b. Privredni subjekt VINO ŽUPA a.d. Aleksandrovac

Privredni subjekt VINO ŽUPA registrovan je kod Trgovačkog suda u Kraljevu pod brojem Fi 2450/02, registarskog uložka broj: 1-626-00, dana 21.12.2002. godine i upisan u registar privrednih subjekata Agencije za privredne registre Republike Srbije, pod brojem BD. 8276/2005 dana 04.04.2005. godine.

Pretežne registrovane djelatnosti privrednog subjekta VINO ŽUPA su proizvodnja i promet vina, alkoholnih pića, sokova, koncentrata i baza za sokove.

Većinski vlasnik privrednog subjekta VINO ŽUPA je fizičko lice Radimir Šljivić (JMBG: (...)*²), Republika Srbija, sa 70,0% udjela u osnovnom kapitalu.

Prema podacima iz Prijave privredni subjekt VINO ŽUPA u vlasništvu nema 10,0% ili više kapitala/udjela ili prava glasa u bilo kojem privrednom subjektu u Bosni i Hercegovini, niti postoje privredni subjekti na relevantnom tržištu u kojima su članovi uprave/nadzornog odbora u isto vrijeme i članovi uprave/nadzornog odbora.

c. Privredni subjekt HEPOK d.d. Mostar

Privredni subjekt HEPOK registrovan je na Višem sudu u Mostaru pod registarskim brojem U/I-28/94 dana 28.07.1994. godine. Ukupni osnovni kapital društva iznosi 18.796.074,00 KM.

U vlasničkoj strukturi privrednog subjekta HEPOK Federacija BiH ima 67,0% osnovnog kapitala, 19,92% pripada vlasnicima po osnovu izvršene vlasničke transformacije i 13,07% pripada vlasnicima na osnovu javne ponude dionica.

Pretežne registrovane djelatnosti privrednog subjekta HEPOK su proizvodnja i prerada voća, proizvodnja vina.

Privredni subjekt HEPOK pojedinačno ili zajedno nema više od 10,00% udjela u osnovnom kapitalu, odnosno 10,00% prava glasa u nekom privrednom subjektu u Bosni i Hercegovini.

2. Obaveza prijave namjere koncentracije

Obaveza prijave namjere koncentracije privrednih subjekata, u smislu odredbe člana 14. stav (1) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose preko 100.000.000,00 KM, po završnom računu u godini koja je prethodila predmetnoj koncentraciji.

² (...)* Podaci predstavljaju poslovnu tajnu

Ukupni ostvareni godišnji prihodi privrednih subjekata učesnika predmetne koncentracije na dan 31.12.2007. godine iznosili su:

Tabela 1.

Ukupni prihod (KM)	AMKO KOMERC	VINO ŽUPA	HEPOK
Svijet	-	(...)*	-
Bosna i Hercegovina	(...)* ³	-	(...)*

Izvor: podaci iz Prijave

Budući da su učesnici koncentracije ispunili uslove u pogledu zajedničkog ukupnog godišnjeg prihoda i da je najmanje jedan privredni subjekt učesnik koncentracije registrovan na teritoriji Bosne i Hercegovine, u smislu člana 14. stav (1) Zakona, bili su obavezni podnijeti Prijavu.

3. Pravni okvir ocjene predmetne koncentracije

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta («Službeni glasnik BiH», broj 18/06), te Odluke o načinu podnošenja prijave i kriterijima za ocjenu koncentracija privrednih subjekata.

4. Pravni osnov i oblik predmetne koncentracije

Pravni osnov koncentracije je Ugovor o kupoprodaji dionica (u daljem tekstu: Ugovor) zaključen dana 10.10.2008. godine u Sarajevu između Agencije za privatizaciju Federacije Bosne i Hercegovine i privrednog subjekta AMKO KOMERC i privrednog subjekta VINO ŽUPA.

Prema Ugovoru privredni subjekt AMKO KOMERC i privredni subjekt VINO ŽUPA namjeravaju steći kontrolu kupovinom većinskog paketa dionica od 67,0% u privrednom subjektu HEPOK za iznos (...)*⁴ KM

Vlasnička struktura privrednog subjekta HEPOK nakon provedene koncentracije bit će:

Tabela 2.

R.b.	Privredni subjekt	Vlasnički udio (%)
1.	AMKO KOMERC	37,0
2.	VINO ŽUPA	30,0
3.	Ostali	30,0
	Ukupno	100,0
	Ukupno (1+2)	67,0

Izvor: Podaci iz Prijave

Pravni oblik predmetne koncentracije, predstavlja sticanje kontrole od strane više privrednih subjekata (privredni subjekt AMKO KOMERC i privredni subjekt VINO ŽUPA) nad jednim privrednim subjektom (privredni subjekt HEPOK), kupovinom većine dionica, u smislu člana 12. stav (1) tacka b) pod 1) Zakona.

³ (...)* Podaci predstavljaju poslovnu tajnu

⁴ (...)* Podaci predstavljaju poslovnu tajnu

5. Relevantno tržište predmetne koncentracije

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta («Službeni glasnik BiH», broj 18/06) čini tržište određenih proizvoda/usluga koji su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Analizom proizvoda iz vlastitog proizvodnog programa učesnika predmetne koncentracije Konkurencijsko vijeće je ocijenilo da postoji preklapanje u proizvodnom programu učesnika koncentracije, te utvrdilo da je relevantno tržište proizvoda predmetne koncentracije tržište proizvodnje i prerade vina, sokova i drugih proizvoda.

Relevantno geografsko tržište predmetne koncentracije je teritorija Bosne i Hercegovine budući da učesnici predmetne koncentracije djeluju na istoj.

Slijedom gore navedenog, relevantnim tržištem predmetne koncentracije smatra se tržište proizvodnje i prerade vina, sokova i drugih proizvoda na cijeloj teritoriji Bosne i Hercegovine.

6. Analiza relevantnog tržišta

Privredni subjekt HEPOK na relevantnom tržištu u 2007. godini ima mali tržišni udio, s obzirom da postojeći proizvodni kapaciteti nisu iskorišteni upotpunosti.

Prema podacima iz Prijave na relevantnom tržištu djeluje veliki broj privrednih subjekata s pojedinačnim relativno niskim tržišnim udjelom.

7. Ocjena efekata predmetne koncentracije

U skladu sa članom 17. Zakona, Konkurencijsko vijeće je izvršilo analizu pozitivnih i negativnih efekata namjeravane koncentracije odnosno razmotrilo sve relevantne činjenice, te ocijenilo da se ovom koncentracijom ne stvara, odnosno ne jača dominantni položaj na relevantnom tržištu proizvodnje i prerade vina, sokova i drugih proizvoda na teritoriji Bosne i Hercegovine.

Učesnici koncentracije navode da je cilj provođenja predmetne koncentracije oživljavanje proizvodnje privrednog subjekta HEPOK, vraćanje na tržište Bosne i Hercegovine proizvoda koji se tradicionalno vezuju za ovo preduzeće, zapošljavanje novih zaposlenika, snižavanje cijena proizvoda, povećanje kvaliteta proizvoda, razvoj poljoprivredne proizvodnje i prerade, te razvoj geografskog područja koje u ovom slučaju čini relevantno tržište.

U postupku donošenja predmetnog Rješenja Konkurencijsko vijeće posebno je imalo u vidu da ova koncentracija nije povećala tržišne udjele učesnika koncentracije na relevantnom tržištu, te da će provođenje namjeravane koncentracije pojačati konkurenciju na relevantnom tržištu u odnosu na trenutno stanje.

Uzimajući u obzir sve iznesene činjenice i podatke koji su prethodili donošenju predmetnog Rješenja, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) tačka a) Zakona, kao što je navedeno u dispozitivu ovoga Rješenja.

8. Novčana kazna

Konkurencijsko vijeće je ocijenilo da predmetna koncentracija predstavlja koncentraciju u smislu člana 12. stav (1) tačka b) pod 1) Zakona, te su Podnosioci prijave bili dužni u vremenskom roku od osam dana od dana zaključivanja predmetnog Ugovora dostaviti Prijavu, u skladu sa članom 16. stav (1) Zakona.

Imajući posebno u vidu navedene odredbe Zakona i nakon uvida u dostavljenu dokumentaciju, Konkurencijsko vijeće je utvrdilo postojanje povrede člana 16. stav (1) Zakona od strane Podnosioca prijave, jer su Prijavu podnijeli sa zakašnjenjem od 23 dana.

Konkurencijsko vijeće, u smislu člana 49. stav (1) tačka b) Zakona, može izreći novčanu kaznu do 1,0% od ukupnog prihoda iz prethodne godine poslovanja Podnosiocima prijave (privredni subjekt AMKO KOMERC i privredni subjekt VINO ŽUPA) za kršenje odredbi člana 16. stav (1) Zakona.

Konkurencijsko vijeće je Podnosiocima prijave izreklo novčanu kaznu od 110.000,00 KM, u skladu s članom 49. stav (1) tačka b) Zakona, a u vezi utvrđenog kršenja člana 16. stav (1) Zakona.

Visinom izrečene novčane kazne, koja predstavlja (...) ⁵% ukupnog prihoda Podnosioca prijave Konkurencijsko vijeće je imalo prvenstveno za cilj sankcionisati privredni subjekt AMKO KOMERC i privredni subjekt VINO ŽUPA radi kršenja Zakona, te upozoriti druge privredne subjekte u Bosni i Hercegovini, na obavezu poštivanja pravila tržišne konkurencije utvrđenih Zakonom.

9. Administrativna taksa

Na ovo Rješenje Podnosioci prijave, u skladu sa članom 2 stav (1) tarifni broj 107 tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) dužni su platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

10. Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovoga Rješenja.

Predsjednik

Ibrica Lakišić

⁵ (...) * Podaci predstavljaju poslovnu tajnu